

小
海
妙
品

一
函
四
冊

杭俗新年百詠序

聞之三微七始首重元正上之朝堂則有班賞稱壽之典下之閭里則有卜歲
餞臘之俗崔氏月令立春食菜羹意取迎新新年之名其權輿於此乎吾杭自宋
留都而後人家正旦有粉荔蠟燕之遺風加之士女丰昌習尚華麗

聖人在上養之如春生斯時者服風獻暄優游無事采靈化於上日制柏酒於
頽齡風光不異人情亦同真太平之盛事也爰有說經稽古之儒盍簪而會親
製銘而傳坐文可送貧意求如願採掇近事作為新詞合六人得百事成詩百
四十首自授時頒朔之鉅至薰盤膏粥之細無不具者體物既工而言情亦勝
思深哉美乎其觀止矣在昔鄉先進入社之後有桂堂諸老感懷節物新醅軟
雜見于篇詠今六君子者方乘朝氣無遲暮之傷與前人固異夫神明推移精
華結紐者春之謂也前史所稱孟春之月行人振鐸以采詩若此雜詠之作其
神明其精華如鮮雲條風流布遠近異時太師陳民風而進于

朝是六君子者將載筆授簡奏為雅音和上壽之歌進宜春之帖以是卷為先
聲六聲六十聲更唱迭和將于新年始已光垂老無懼時日虛過雖欲補夢梁
之別錄續武林之舊事力孱不任無能為役然追維疇昔未免有情若以膠牙

藍尾飲食之者則老饕健在于六君子未之肯讓也
乾隆四十年正月補天日梅東里人顧光謨

杭俗新年百詠題辭

回首辭家卅載餘，舊鄉風土夢華胥。卷中重認新年景，卻似初來占籍居。歲時
荆楚記曾繙，那得清詞擬露繁。韻語編成謠俗備，采風良足待輶軒。湖山儘遣
幽奇探，城市誰將瓊屑誇。為有春華助摘藻，一時點筆細搜爬。太平風景共優
游，南北逢春假日遊。愧我當年文酒會，拈題只辦詠春毬。已卯在都讌集分題
曾詠春毬於集中乃
不及百分一也。春臺勝賞寄清酣，六琯雄鳴鳳律含。伫看聯翩登館閣，元正
紀傳柑天生史筆濟詩才。碎事聊憑試剪裁，堇浦設林都下世。主盟喜得涑園
來。海住金姓

少小聞新年，心喜如噉蜜。先期儻指數，遙遙恐難達。美服製綺紈，佳果聚榛栗。
擣菹每卜夜，歌吹幾匝月。邇來貧與病，庖廚欲不設。况復馬齒增，愈嫌駒影疾。
撫景輒心驚，何暇追歡悅。諸君鬪辭翰，年富興方逸。搜尋風俗通，欲補小正闕。
讀之真失笑，兒嬉如昨日。乃知春色迴，只在才人筆。安得倩青陽，為我染華髮。
丹徒王文治

條風乍轉一番新，簪綵同為壽域人。綴玉聯珠歌淑景，待看帖子進宜春。舊事
武林曾有著，歲時荆楚久成書。物華紀麗翻新樣，好與西湖續志餘。小樓卧聽

賣甌蘭棖觸前慶感百端垂老尚思爭鉢韻一杯婪尾詠辛盤又添厯尾十三
年節物驚心紛眼前紅紙賀正非我事太平簫裏樂 堯天 槐塘汪沆

繡袋牢盛壓歲錢綵絲細裊打春鞭一番節物從頭數六客才華異樣鮮羅餠
飴薦盤筵臨安風俗有遺編只應坡柳逋梅在我亦將家住十年右調思佳客
古歛江立

新辭新篇兩相偕賀客無緣溷等儕盡斂青陽歸筆格先看紅豔發吟懷歲華
西蜀難專麗節物中吳不厭俳未到踏燈三五夜雙鬟宛轉唱春街晴江翟灝
祝富貴鞭聰明筆尖落處春風生均調律呂鸞鳳鳴吹花擘柳香滿城笑酌屠
蘇傾翠竿百事吉利那般者途歌巷語亦關情譜入春牋總妍雅老輩風流盛
往時花齋齊唱踏燈詞聯吟別具翻新格如意珠穿五色絲山舟梁同書

越地春回早東風湖上香新年添勝槩遺事問遊航才子乘時出輕衫檢韻忙
昇平原有象圖寫答韶光感我尋芳晚來過三月天鶯花餘麗景絲管負華筵
夢逐羣仙會吟酣元日篇他時春帖子屬和叶 虞絃華亭王鼎

小試迎年筆聯吟節物真古杭添雜錄月令志齊民吉語都沿俗華辭足壓春
上元曾有紀故事喜翻新 秀水蔣元龍

物阜人和月復閒太平摹寫貴辭翰輪將題目翻新做要使年頭帶笑看一編
鼓吹叶金絲千呂東雲乍見時不是杭州當日曲新春樂府國風詩松老丁仙
迢遞西泠有素知蕭齋鎮日坐相思寄來一卷宜春帖恰配同人銷夏詩雲間
同人
近有銷夏雜詠歲尾年頭徵故事吳歛越諺鑄新詞無端牽我三生夢多半鄉風憶昔
時永中汪大經

韓送窮送不得賈祭詩祭難默灰堆打了如願來哦成妙句燭花燵醉一盞讀
一章且讀且飲歌聲狂李紺酒盡除漏忙椒盤守歲戎家裏癡獸叫賣老翁喜
履新壽全盛時風流才子太平詞百樂陳寅

春來燕喜迎芳歲共灑清辭紀物華新事授君誇綵筆舊題任爾賦驚蛇鈞天
樂奏初翻曲勝地名傳獨振葩醇化普奇賒月令古杭餘俗占休嘉迴文七律
美人
詞嘉樹倪一擎

荔粉錫香春人送老堪禁幾度新年回首故園景物怕付雲烟喚起桂堂社客
圓毫描就小鄉天忺不管鸕鷀笑倒网兩圖全評泊夢梁賸事算踏燈時候費
盡蠻牋同是登臺老子戴勝吟仙一醉青囊綠果公榮不與嘆予偏何時便座
連袂促學譜烏鹽右調慶清朝慢竹虛孫錫

開門先喜得甜頭好語還從荔柿求三日年朝四日節十分打扮是杭州續公

十五團圓月正明踏燈齊上大街行清辭寫出豐年樂壓倒當時杜孟平西湖遊覽

志餘杜孟平有看燈詞十五首杭人稱之筠洲宋永

春漪姚子余比鄰示余一卷佳詠新卷中作者六逸均筆花共灑陽和辰惟春
王月樂事頻就中瑣屑難具陳諸君得非好事人繁徵博引談津津我曾十年
遊八閩目中少親家鄉春得於紙上遊心神惜哉無分攬吟身尋常節物著簡
筠椒花柏酒陳陳因始知後古作詩訣爭奇只在祛陳說似此方不負新節小
泉高家驥

歲朝喜見物華新雅詠能回萬象春不為武林傳舊事直同要術補齊民西湖

繼和聯雙美西湖百詠宋董嗣果倡明陳贊依韻和之南宋分題萃七人前輩樊榭諸先生分詠南宋雜事詩人各百首合為

卷七此冊粉榆添掌故太平風俗頌真淳古緣嚴果

武林六君子正月遞吟筒欲補歲時記須知風俗通方言訛穀乳俳語隱胡隴

不盡年頭事兔羅五字中雲間張寶銘

花農昨返西湖棹示我西湖六子詩樂事叔禾箋未盡上燈風裏寫烏絲芋郎
君與花師子遺俗多從南渡傳山色湖光無恙在試新詩詠太平年婁徐大容

物換一年人詩人不厭頻漫推鄉俗始分占歲華新格韻梅花瘦形容楮葉真
眼前成一笑短髻好禁春雪廬陳嵇

收拾消寒讌嚼梅花吐將春色香生几硯腰鼓城頭歌吹闌都為吟場布演更
休說要覓事件瑣屑米鹽書太史况鄉風一一堪留戀五雜組壓金線頻年拚
作西冷伴偏逢著放魂時候烏蓬未喚冷落東風應笑我牡牧尋春遲慣早不
信遲來賞遍一卷黃梁曾錄夢夢昇平何似身親身數樂事茲篇冠右調金縷
曲秀州汪大綸

獻歲共娛嬉詩家鬪勝宜西湖春事早南宋土風遺麗景催新句華牋餉故知
他年火城裏應憶釣遊時全椒金兆燕

傳坐傾芳酌瓶盆煖高閣熙熙太平人共樂新年春春風復春日瞥若過羽疾
鳥啼花亂開由此詩句催催來試相較聲色究誰好小迂倪印元

元旦元宵次第過吟成百事費搜羅出新詩思偷新格粧點年光爾許多和平
辭旨答昇平年事都將樂事迎試向天官書裏覓便如候歲聽宮聲消得宜年
酒幾壺欲連屏障寫為圖紛紛錦綺裁華勝得似諸君綵筆無太平鼓打帝
城春踏遍東華十丈塵舊雨客非今雨客新年人是去年人絳甲看週百廿期

六家番迭鬪妍辭咬春來與辛盤會可許分曹共撚髭

繡水沈叔埏

長命杯傳醉百巡分排麗句紀頒春歲朝圖裏尋常見那及年來事事新
厯頭大小數年朝寫出熙朝樂事饒連袂東風傳唱去太平鼓叶太平簫
隸事須將故事除兒童解識也軒渠宜春帖子翻新樣鞭得聰明總不如
四水潛夫紀述強耳新掌故各爭長從今傳坐添徵令算作宜年韻字箱
燈市前頭付蹋歌一時吉語盡駢羅沈吳南宋詩編後六子才名較更多

秀水沈珏

杭俗新年百詠目錄

卷上

時憲書

迎春

小春牛

春牛圖

迎神

喜神

青龍馬

代圖

接竈

開門

門簿

拜年

拜節帖

拜節錢

燒香

開井

上墳

牀公牀母

紫姑

門神

春聯

歡樂

天花

門綵

挂錢

柏枝

圓爐

松棚柴

歡喜團

善富燈

歲燭

聚寶盆

花元寶

富貴不斷頭

隔年飯

果子茶

卷下

豬頭肉

年糕

糖餠

元寶餠

春餅

金團

湯團

燈圓

燒菜

築笋

紅蘿蔔絲

八寶菜

開口橘

橘荔

柿餅

銀杏

風菱

糖糴

慈管糖

歐蘭花

柏子花

長春花

元寶花

過年鞦

年鼓

太平簫

竹喇叭

爆仗

烟火

花筒

賽月明

流星

滴滴金

燈棚

船燈

行燈

龍燈

秧歌

馬兒燈

大頭和尚

燈戲

走馬燈

紗燈籠

燈謎

面鬼

竹龍

吹雞

趕魚兒

風箏

燈鷄

鞭子

相思版

春毬

哈哈笑

說書

鬪牌

陞官圖

陞仙圖

百花圖

狀元籌

新年百詠姓氏錄

舒紹言字懋中一字古廉仁和人詩十二首

黃模字相圃一字書厓錢塘人詩三十二首

吳錫麒字聖徵一字穀人錢塘人詩三十二首

姚思勤字汝修一字春漪仁和人詩三十二首

項朝榮字聚寶一字蓮峰仁和人詩二十首

吳錫麟字洛書一字箬村錢塘人詩十二首

唱和姓氏

閔華字廉風一字蓮峰江都人詩二首

倪經培字古觀一字竹安錢塘人詩八首

孫溥字邠原一字梅軒錢塘人詩七首

張寶鎔字華農一字床山華亭人詩二首

厲志黼字繡周一字層雲仁和人詩二首

孫濟字青巖一字蘆人錢塘人詩八首

姚思璋字瑞徵一字永礪仁和人詩四首

程琯字寶擘一字少海仁和人詩五首

孫藻字潔輝一字藕船錢塘人詩二首

汪大綬字印年一字芳樹秀水人詩一首

汪大綸字學年一字橘田秀水人詩二首

倪印元字首善一字介亭仁和人詩二首

黃棫字政和一字秋圃仁和人詩二首

項朝梁字壽之一字秋吟仁和人詩一首

趙銘字右書一字月陂仁和人詩二首

杭俗新年百詠卷上

海昌陳 炎俠君編輯

時憲書

黃模

正朔奉 君王頒書及萬方始和行政令列宿煥文章日出山河遠人生歲月
長重添花甲子 聖壽頌無疆 旨重週 六十花甲奉

吳錫麒

憲章遵 御製欽若授人時令布三千國年編十二支錦裝新織鳳官篆重盤
蟠一卷從頭看春風百事宜

蓬窗蛸語時憲書有宜出行即有不宜出行有宜動土即有不宜動土凡畜
牧移徙種植婚姻等類無不皆然獨有宜入學並無不宜入學可見無日不
可學悠忽姑待坐荒歲月豈不可惜

姚思勤

月令 皇王憲天官太史書九州分節氣萬事有權輿紀協隨方辨 監舊有選

擇通書欽定協紀經從解角疏 稷角解奉 授時明庶物不比註蟲魚

張漁川咏時憲書詞珠殿頌初書棚懸後行行墨翠朱殿須省數時探節趨
避多端縱不識丁也買開編春早又冬開隨年換糊牕貼繡故紙拋殘閒兒

女多拘泥為上頭穿耳撰日偷看鄰得此身重見花甲循環却笑蟲魚草木
廁名月令管喧寒聞郎返檢逢歸忌又蹙眉山

閔華和江都人一字蓮峯又號玉井

一歲又將除 天家頒鳳書更新知律轉置閏識歸餘北地寒生早東方日出
初所欣添甲子野老樂何如

倪經培和字右觀一字竹安錢塘人

頒朔欽 王制宣書出玉墀春開一卷首事合萬方宜綠字朱文裏五風十雨
時循環看甲子人壽邁期頤

毛西河十月朔午門頒歷侍班恭賦疊冊裝縑麗闕車覆帝黃背封箱押小
面記印泥方殿上呼三壽塔前奏八琅五官陳夏令百辟奉春王數合軒轅
記班隨星宿行授書馳赤縣開卷遇青陽鄭荔鄉憲書詩正朔紫宸頌元
會斗柄建鳳紀揭新編即事期如願又云官紙印朱文爛若火齊噴問名冠
以黃糸豈汝南憲

迎春 立春前一日官府迎春出土牛行芒神士女縱觀爭擲五穀田叔禾
西湖遊覽志餘所載今亦相同

黃模

東方千騎回鼓吹沸成雷牛擁芒神出春從太守來歡聲齊撒穀淑氣早舒梅
散入閭閻裏芳樽處處開

西湖志至德觀在吳山上俗名太歲廟每歲迎春奉勾芒之神於此
孟詩康衢車馬紛千騎盡道春從太守來

姚思勤

曉日蒼龍駕迎來動地歡綵泥粧太歲紗帽演春官春官舊謂之街道士今俗

粧浩蕩東風大陽和 帝澤寬今年臺閣盛夾道萬人看

張卿子迎春曲序迎春日胡仲修汪然明選余陪韓太史踏歌里門是歲彩粧臺閣甚盛至宮花報喜一馬上兒萬目競注

小春牛 立春日民間以小春牛相餽綵杖耕人畧如古制

項朝茶

具體牛何小搏泥餽送忙支干從配色上下可占鄉亦塑耕人貌還分綵杖香

當時陳百戲雪柳映花裝

困學紀聞土牛之法以歲之干色為首支色為身納音色為腹以立春日干色為角耳尾支色為腰納音色為蹄景祐元年以土牛經四篇頒示天下丁

度為序 廣羣芳譜占土牛頭黃主熟身上列百戲人物春幡雪柳各相餽遺

立春圖 陰陽家印圖年前分送上載時日支干下繪春牛中書太歲姓名

旁載地母經流郎詩劉克莊詩云今年臺歷無人寄且看村翁壁

上圖則其來古矣

舒紹言

宛若牽縻至原非誤筆成幾龍能治水圖中有幾龍治水幾牛耕地語十畝待
深耕誰用神仙日兼標太歲名所欣駢且角流覽有餘情

吳錫麟

已見土牛鞭披圖狀儼然多應老壁上何事送年前地母經能驗流郎詩共傳
莫徒畫裏看藉爾力吾田（張卿子詩我愛田家屋新春酒）

孫溥和字邵原一字梅軒

牛自姬公制圖依向孟傳敢陳時憲左喜在策人前口脚挨排數農情旦晚牽
扶犁方有事春色滿新田

事物紀原周公始制立春土牛向孟土牛經釋策人所立曰凡春在歲首
則人在牛後若春在歲後則人在牛前春與歲齊則人牛並立按策人即芒
神事物原始出土牛以示農耕之早晚

迎神 除夕備迎神至元旦燒紙開門見吳自牧夢梁錄今神號曰新歲迎

神

吳錫麒

送舊復迎新除夕燒紙迎新仗爾神年華如過客天地又回春爆竹開門早椒花

酌酒頻還看近福者綵帖慶元辰新歲多以紅箋書迎祥等字貼門戶間